

خويا بو فاضل شهيم أقسم ابخدي قسم
حط چفوفه و العلم فدوه لني

بوي يا حيدر شفيت هم و رزيه
و الحياة ابعيني صارت مو هنيه
لاكن الهون عذابني و البليه
من مسح عباس بچفوفه اديه

رفرف الراية علي منها اطف ليا ضي
حط چفوفه و العلم فدوه لني

و يا علي بعدك شفيت منه عجائب
لو يحس مرة عليك اكليبي ذايب
چفه يمسح مني اهموم و مصايب
يگلي صبري يا ختي يا بت الأطياب

و الله يا عقد الولة ويا خويا مدالة
حط چفوفه و العلم فدوه لني

بوي من أمساك چفوفه يفلني گابي
تدمع اعيوني و اگها صبي صبي
أمسح اچفوفه و أنادي ربي ربي
أحفظ العباس ليا خلنه جنبني

وقبل ايديا و شكر وجهه ضوا كل گمر
حط چفوفه و العلم فدوه لني

و بويالو مَرة شَبح عينه بنظره
أذكر الزهرا يبوييا و أبجي حسره
أذكر اعيون الزجّيه اب سطره حمره
و أرجع أتأمل عيوننه بيها زهره

و انظر ابعينه سَكن
حط چفوفه و العلم
چنها عين أم الحسن
فدوه لني

مَرة شفته ابلا عمامة و ذاب حاله
مَرت ابباله مشاهد في خياله
وجيت مدهوشة و اكلّه أنته غالي
خايفة خويا يصير اللي في باله

گلي يا زينب عهد
حط چفوفه و العلم
مايصل خدرچ أحد
فدوه لني

أنحجب نجم الحسن بسمومه آفل
و دارت اعلى احسين يا بوييا جافل
ما شفيت رمش ابو فاضل مرة جافل
و صرنا نتباهي يبوييا ابمئله كافل

و جينا بويالو نينوى
حط چفوفه و العلم
و حامل ابچفه اللوا
فدوه لني

صارت العرکة يبوييا و طاحت أنصار
بوييا من أقمار هاشم خسفو أقمار
و الگمر عباس قرر يطلّب الثار
و مال لعضيده و يگّله يـ بن لبرار

عطني يـ حسين الإذن
حط چفوفه و العلم
و السبط گابه يئن
فدوه لني

شَدَّ ابو فاضل وصل ماي الشريعة
لاچن اچفوفه صفت بويبا قطيعة
و السهم صابه ابعينه يا فجيعة
و طاح بالرايعة يعالج من نجيعة

و الله يا بويبا أسف گمر عدنان أنخسف
حط چفوفه و العلم فدوه لني

گلي يا زينب أمانة غمضي العين
و صار يترگب مماته و زيّد اونيّن
ذبحو احسين الأعادي يا ابو احسين
و الكفيل ايصيح يا زينب تعذرين

گلي يا زينب عذر يقصدچ هسه شمر
حط چفوفه و العلم فدوه لني
